

9
8

HARVARD COLLEGE LIBRARY
FROM THE
HARVARD-YENCHING
INSTITUTE
AUG 30 1928

31

~~Ch L 9299.414~~

~~Ch L 9301.414~~

廣博物志卷之四十八

哈佛大學哈佛燕京圖書館珍藏印

西董斯張纂

靜勝文庫

武唐姚士麟訂

鳥獸五 異鳥 異獸

復州之山有鳥焉其狀如鷓而一足莖尾其名

曰跂踵見則其國大疫 銘曰跂踵為鳥一足似不為樂興反以來悲

○山海經

符愚之山有鳥名鶻其狀如翠而赤喙可以衛

火

崑山上有鳥焉其狀如梟而赤身白首名曰竊脂可以衛火

有鳥焉其狀如雞而三首六目六足三翼其名曰鷓鴣食之無臥

青丘之山有鳥焉其狀如鳩名曰灌灌佩之不惑

禱過之山有鳥焉其狀如鳩而白首三足人面其名曰瞿如

柜山有鳥焉其狀如鳥而大手其音如痺其名曰鵠其鳴自號也見則其縣多放士

小華之山鳥多赤鷩赤鷩冠金山雞之屬胃復洞赤

毛光彩鮮明音作蔽或作鼈可以禦火

英山有鳥焉其狀如鶉黃身而赤喙其名曰肥遺食之已癘可以殺蟲

有鳥焉其狀如翟而赤名曰胜遇音姓是食魚其

音如錄見則其國大水

萊山其鳥名羅羅是食人

三危之山有鳥焉一首三身其狀如鸚其名曰

鴟

發鳩之山有鳥焉其狀如烏文首白喙赤足名

曰精衛其鳴自詒是炎帝之少女名曰女娃炎帝

神農也娃惡能反語誤或作階女娃遊於東海溺而不返故為

精衛常銜西山之木石以堙於東海

首山有谷曰機谷多馱鳥音如鉗其狀如梟而

三目有耳其音如錄食之已墊

鴛鳥鷓鳥次瞻兩音其色青黃所經國亡此應禍之鳥即今梟

鴛鷓之類在女祭北鴛鳥人云君山上一曰維鳥青

鳥黃鳥所集

有五彩之鳥有冠名曰狂鳥爾雅云狂夢鳥即此也

弇州之山有五彩之鳥仰天張口名曰鳴鳥爰

有百樂歌儻之風

互人之國有青鳥身黃赤足六首名曰觸鳥

松果之山有鳥焉其名曰鷓渠其狀如山雞黑

身赤足可以已曝謂皮皴起也

翠山其鳥多鷓狀如鵲赤黑兩首四足可以禦

火

鹿臺之山有鳥焉其狀如雄雞而人面名曰鳧
侯其鳴自叫也見則有兵

有鳥焉其狀如鳧而一翼一目相得乃飛名曰
蠻蠻見則天下大水

鍾山有神其子曰鼓其狀人面而龍身是與欽
鵠殺葆江于崑崙之陽葆或作祖帝乃戮之鍾山之

東曰崑崖欽鵠化為大鶚其狀如鵠而黑文白
首赤喙而虎爪其音如晨鵠見則有大兵鼓亦

化為鵠鳥狀如鵠赤足而直喙黃文而白首其

音如鵠見即其邑大旱

章莪之山有鳥焉其狀如鶴一足赤文青質而

白喙名曰畢方見則其邑有譌火尚書故實云武帝時有獨

足鶴人皆不知以為怪異東此山海經所謂畢方鳥也驗之未是方朔奏曰

有鳥焉其狀如鳥三首六尾而善笑名曰鵠鵠

服之使人不厭又可以禦凶

上申之山其鳥名當扈其狀如雉以其髯飛食

之不眴目

有鳥焉其狀如鵠而人面雌身犬尾其鳴自號

也見則其邑大旱

有鳥焉其狀如鳥五采而赤文名曰鵠鵠是自
為牝牡食之不疽

號山其鳥多寓狀如鼠而鳥翼其音如羊可以
禦兵

有鳥焉羣居而朋飛其毛如雌雄名曰鷓其鳴
自呼食之已風

有鳥焉其狀如雉而文首白翼黃足名曰白鵠
食之已噎痛可以已痢痢癘病也

有鳥焉其狀如雌雄而人面見人則躍名曰竦
斯

有鳥焉其狀如鳥人面名曰鶩鶩宵飛而晝伏
食之已瞶

有鳥焉其狀如鵲白身赤尾六足其名曰鵲是
善驚其鳴自設

有鳥焉其狀如鳥首白而身青足黃是名曰鷓
鷓其鳴自設食之不饑

景山有鳥焉其狀如蛇而四翼六目三足名曰

酸與其鳴自說見則其邑有恐

小侯之山有鳥焉其狀如鳥而白文名曰鳩鵲
軒轅之山有鳥焉其狀如梟而白首其名曰黃
鳥其鳴自說食之不妬

有鳥焉其狀如雞而鼠毛其名蜚鼠見則其邑
大旱

有鳥焉其狀如鳧而鼠尾善登木其名曰絜鉤
見則其國多疫

鬼山有鳥焉狀如山雞而長尾赤如丹火而青

喙名曰鴝鵒服之不昧

支离之山有鳥焉其名曰嬰勺其狀如鵲赤首

赤目赤喙白身其尾若勺其鳴自呼

董理之山有鳥焉其狀如鵲青身白喙白目白

尾名曰青耕可以禦疫其鳴自叫

王母之山有三青鳥赤首黑目一名曰大鷲一

名少鷲一名曰青鳥

有五色之鳥人面有髮爰有青音鷲音黃鷲音青

鳥黃鳥其所集者其國亡

丑陽之山有鳥焉其狀如鳥而赤足名曰馭餘

音如枳 柑之枳可以禦火

踰次之山有鳥焉其狀如梟人面而一足名曰

橐悲冬見夏蟄服之不畏雷

盧其之山其中有鷺鷥狀如鴛鴦而人足見則

其國多土功

有鳥焉名曰鷦其狀如鳧青身而赤目赤尾食

之宜子

梁渠之山有鳥焉其狀如夸父四翼一日犬尾

名曰囂其音如鵲食之已腹痛可以止衝治洞下也

天帝之山有鳥焉其狀如鶉黑文而赤翁名曰

櫟食之已痔

有鳥焉其狀如鷓而人足名曰數斯食之已癭

有鳥焉其狀如雌雉而五彩以文是自為牝牡

名曰象蛇

有鳥焉其狀如雞而白首鼠足而虎爪其名曰

魃雀食人

有鳥焉其狀如蜂大如鴛鴦名曰欽原蠹鳥獸

則死蠹木則枯

有鳥焉其名曰鶉鳥是司帝之百服並上

西申以鳳鳥氏羗以鸞鳥巴人以比翼鳥方煬

以皇鳥蜀人以文翰文翰者若臯雞方人以孔

鳥奇幹善芳善芳者頭若雄雞佩之令人不昧

蠻陽之翟山雞也君吾翡翠周書

神鳥者赤神之精也知音聲清濁和調者也雖

赤色而備五采雞身鳴中五音肅肅雝雝喜則

鳴舞樂幽隱風俗從則至宋書

同心鳥王者德及遐方四夷合同則至

比翼鳥王者德及高遠則至並上○又拾遺記曰比翼鳥多力狀

如鵲啣南海之丹况巢崑崙之玄木遇聖則來集以表周公輔聖之祥異也

鳥有鵬鷖者重首而屈尾將欲飲于河則必顛

乃銜其羽而飲之人之所有飲不足者不可不

察其羽也韓非子

昌蜀之禽無目之獸無身之頭無首之體精衛

填海玄讓逝生抱朴子

石脩九首畢方人面

晉書 卷之四十八 高麗堂

千歲之鳥萬歲之禽皆人面而鳥身壽亦如其
名並上

鴿鷄俗曰癡鳥見爾雅

鳥一足名獨立見則主勇強河圖

雪山有鳥名爲共命一身一頭識神各異同共
報命故曰共命雜寶藏經

迦真隣陀之鳥生於海中王抱觸之身心猗適
勝過六欲

若起貪嫉邪佞諂曲欺誑於他或復慳貪積財
不施皆生鬼道從鬼命終多生畜生道中受遮
吒迦鳥身恒常飢渴受大苦惱唯飲天雨仰口
而承不得更飲餘水

兜兜鳥其聲自號正月以後作聲至五月節不
知所在其形似鴿鷄

江之右岸富水注之水出涇陽縣之青湓山西
北流涇陽縣故豫章之屬矣地多女鳥玄中記
曰新陽男子于水次得之遂與共居生二女悉
衣羽而去豫章間養兒不露其衣言是鳥落塵

于兒衣中則令兒病故亦謂之飛夜遊女

水經注

越地深山中有鳥大如鳩青色名曰冶鳥穿大樹作巢如五六升器戶口徑數寸周飾以土埵赤白相分狀如射侯伐木者見此樹卽避之去或夜冥不見鳥鳥亦知人不見便鳴喚曰咄咄上去明日便急上去咄咄下去明日便宜急下若不使去但言笑而已者人可止伐也若有穢惡及其所止者則有虎通夕來守人不去便傷害人此鳥白日見其形是鳥也夜聽其鳴亦鳥也時有觀樂者便作人形長三尺至澗中取石蟹就人火炙之人不可犯也越人謂此鳥是越

祝之祖也

法苑珠林

師曠云南山有鳥名曰羗鷲黃額赤目五色皆

備

說文

春山爰有青鷗執犬羊食豕鹿

穆天子傳

崑崙銅柱下有迴屋焉壁方丈上有鳥名曰希左翼覆東王公右翼覆西王母其肉若醯僊人

甘之

十洲記

北海有大鳥其高千里頭文曰天維又曰雞左翼文曰鷺右翼文曰勤左足在海北崖右足在海南崖其毛蒼其喙赤其脚黑名曰天雞一名鷺勒頭河東身止海北唯捕鯨魚死則北海水流不犯觸人不干于物或時舉翼飛其兩羽切如雷風驚動天地

神異經

不孝鳥狀如人身犬毛有齒猪牙額上有文曰不孝口下有文曰不慈胸上有文曰不道左脇有文曰愛夫右脇有文曰憐婦

上

帝昇望月臺時瞑望南端食其子山鳳殺雌

其

止於臺上帝悅之至夕鵙六首之鰓

帝求海肺之膏以為燈焉鳴之禽人面鳥喙八

甚微而光色無幽不入青地名曰青鸛其聲似

青識文繻各握鯨文大錢鳴時太平故盛明之

影動因名輕影錢

並上

而不行至禹平水土胥徒國獻沉明石雞色如聖人出焉自古鑄

應時而鳴聲能徹遠其國至今不絕

拾遺記

當鳴處掘地則得此雞若脛紫翼紅膺紺頂丹

以為嘉瑞亦為寶雞其國尾鳥亦名錦鳳其青刻道家云昔僊人桐君採西王母之禽也

雞春碎為藥服之者令人禿鷲腹內無腸羽翮漢武帝寶鼎元年西方首相眇則生產

靜室自於室中鳴翔蓋此藏珠每鳴翔而吐珠南有鳥名鴛鴦形似雁徘徊並上

不踐地生於石穴中萬歲稟上不食五穀唯啣毛學飛聖君之世來入否丹毛鳥洞冥記

有遠飛雞夕則還依人而舞名曰舞日鷲骨託之鳥食鐵乾吉之鳥有三青鴨羣飛俄而

奇肱有兩頭之鳥互人有栖於臺端日色已暗幽州之墟羽山之北有善取靈滓布為纏火光

翼一足毛色如雉行不踐鴨化為三小童皆着鐘磬笙竽也世語曰青鸞五枚置帝几前身止

世翔鳴數澤音中律呂飛棲於川岳所集之地必有丹大如燕常在地中

諸鼎器皆圖像其形銘讚聞鳴乃殺牲以祀之軒渠國多九色鳥青口綠天下太平翔飛頡頏

足碧身細背玄尾亦名九無雞犬聽地中候暑
 多紅少謂之繡鸞或云是石入穴數里得丹石
 有鳥名鴻鵠色似鴻形如有聲氣後天而死昔
 附骨而生無皮肉也雄雌珍怪有琥珀燕置之
 有鳥如鳳身紺翼丹名曰類也拾遺記

累屋僊人常以其珠飾僊徊雲間棲息高岫足
 有升菴鴨赤色每止于芙一交則生雛千歲銜
 葉上垂露因名垂露鴨郊上

還常銜桂枝之實歸於南山或落地而生高七
 八尺衆僊奇愛之取以釀酒名曰桂醪嘗一滴
 舉體如金色陸通嘗餌黃桂之酒祝雞公善養
 雞得遠飛雞之卵伏之名曰翻明雞如鵠大色
 紫有翼翼下有目亦曰目羽雞述異記

吐綬鳥其身大如鶴五色出巴東山中毛色可
 愛若天晴淑景即吐綬長一尺須臾還吞之陰
 滯即不吐

吐綬鳥一名功曹並上

吳越有異鳥極大四目三足飛鳴山林羅平乃其聲也占曰國主有兵人相食

蟬史

有鳥名鷓鴣能自為牝牡

唐韻注

鴉舅似鴉而小黑色嘴邊有毛甚勁能逐鴉鴉

見避之一名鴉兢一種似鷹而小蒼色能逐鷹

名鷹舅亦名鷹兢

崑崙鳥出河西赤鳩鎮狀如鳥而大飛翔於陣

上多不利

雜俎

鷓鴣鳥似雉青身白首

婆利國有鳥名舍利解人語

世樂鳥五色頭上有冠丹喙赤足有道則見

臨海

異物志

越王鳥狀似鳥不飲江湖不啜百草不下餌蟲

魚唯噉木葉糞似薰陸香山人遇之既以為香

又治雜瘡

竺羅山真登山疏

獨春鳴聲似春鳴聲多者五穀薄鳴聲少者五

穀熟

臨海異物志

廬陵有木客鳥大如鵠千百為羣不與眾鳥相

厠俗云是古之木客化 述異記

虎鷹能飛捕虎豹身大如牛翼廣二丈

南海去會稽三千里有狗國國中有飛涎鳥似

鼠兩翼如鳥而脚赤每至曉諸栖禽未散之前

各占一樹口中涎如膠繞樹飛涎沾洒衆枝

葉有他禽之至而如網也然乃食之如竟午不

獲即空中逐而涎惹之無不中焉人若捕得作

治渴其涎每布後半日即乾自落落即布之外荒

記

鳥鳳如喜鵲鳴聲清越如笙簫能變曲妙合官

商又能為百蟲之音

堯在位七十年有鸞雛歲歲來集麒麟遊於藪

澤梟鴟逃於絕漠有祗支之國獻重明之鳥一

名雙睛言雙睛在目狀如雞鳴似鳳時解落毛

羽肉翮而飛能搏逐猛獸虎狼使妖災羣惡不

能為害節以瓊膏或一歲數來或數歲不至國

人莫不掃洒門戶以望重明之集其未至之時

國人或刻木或鑄金為此鳥之狀置於門戶之

間則魑魅之類自然退伏今人每歲元日或刻木鑄金或畫雞牖上此之遺像也拾遺記

周成王元年貝多國人獻舞雀周公命返之述異記

晉平公出朝其鳥環平公不去平公顧謂師曠

曰是鳳耶曠對曰東方有鳥名為端琦憎鳥而

愛狐今吾君必衣狐裘以朝乎平公曰然說苑

有鳥飛從南方來質白五色百備集平公之庭

相見如讓公召叔向問之叔向曰吾聞師曠曰

西方有白質鳥五色皆備其曰翬南方赤質

五色備其名曰搖來為我君臣其祥先至矣語瑣

齊景公謂晏子曰寡人既得寶乘聚萬駟矣方

欲珠懸黎會金玉其得之即奚若晏子曰臣聞

琬琰之外有鳥焉曰金翅民謂為羽豪其為鳥

也非龍肺不食非鳳血不飲其食也常饑而不

飽其飲也常渴而不充生未幾何天其天年而

死珠玉之珍非乃為君之患也符子

子路顏回浴於洙水見五色鳥顏回問子路曰

子路曰

榮榮之鳥後日顏回與子路又浴於泗水更見前鳥復問曰識此鳥否子路曰識回曰何鳥子路曰同同之鳥顏回曰何一鳥而二名子路曰譬如絲絹煮之則爲帛染之則爲皂不亦宜乎

小說

大月氏國貢雙頭雞四足二尾鳴則俱鳴武帝置於甘泉故館更以餘雞混之得其種類而不能鳴諫者曰詩云牝雞無晨一云牝雞之晨惟家之索今雄類不鳴非吉祥也帝乃送還西域至西關雞反顧望漢宮而哀鳴故謠言曰三七末世雞不鳴犬不吠宮中荆棘亂相繫當有九虎爭爲帝至王莽篡位將軍有九虎之號其後喪亂彌多宮掖中生蒿棘家無雞鳴犬吠此雞未至月氏國乃飛于天漢聲似鷓鴣雞翱翔雲裏一名暄雞鷓鴣雞之音相類

拾遺記

條支國來貢有鳥名鳩鵲形高七尺解人語其國太平則鳩鵲羣翔昔漢武時四夷賓服有獻馴鵲若有喜樂事則鼓翼翔鳴上

齊郡函山有鳥足青嘴赤黃素翼絳額名王母
使者昔漢武登此山得玉函長五寸帝下山玉
函忽爲白鳥飛去世傳山上有王母藥函常令
鳥守之

昆明國貢嗽金鳥人云其蟲燃洲九千里出此
鳥形如雀而色黃羽毛柔密常翱翔海上羅者
得之以爲至祥帝得此鳥畜於靈禽之園飴以
真珠飲以龜腦鳥常吐金屑如粟鑄之可以爲
器此鳥畏霜雪乃起小屋處之名曰辟寒臺皆

用水晶爲戶牖使內外通光宮人爭以鳥吐之
金用飾釵珮謂之辟寒金故宮人相嘲曰不服
辟寒金那得帝王心於是媚惑者亂爭此寶金
爲身飾及行臥皆懷挾以要寵幸也

拾遺記

勒畢國貢細鳥以方尺之玉籠盛數百頭形如
大蠅狀似鸚鵡聲聞數里之間如黃鵠音也國
人常以此鳥候時亦名曰候日蟲帝置之於宮
內旬日而飛盡帝惜求之不復得明年見細鳥
集帷幙或入衣袖因名蟬宮內嬪妃皆悅之有

鳥集其衣者輒蒙愛幸至武帝末稍稍自死人猶愛其皮服其皮者多爲丈夫所媚

洞冥記

黃龍元年始都武昌時越嶲之南獻背明鳥形如鶴止不向明巢常對北多肉少毛聲音百變聞鐘磬笙竽之聲則奮翅搖頭時人以爲吉神是時遷都建業殊方多貢珍奇吳人語訛呼背明爲背亡鳥國中以爲大妖不及百年當有喪亂背叛滅亡之事散逸奔逃墟無煙火果如斯

言

拾遺記

葛僊公嘗于西峯石壁上石臼中搗藥因遺一粟許有飛禽遇而食之遂得不死至今夜靜月白風清之時其禽猶作丁當杵臼之聲名之曰搗藥鳥有僊人琴高聞僊公得道自東海跨雙鯉來訪僊公與之酣飲既醉高臥白雲間酒醒雙鯉化爲石矣仙公乃以雙鶴贈之跨之而還石至今存

永平元年常山郡獻傷鳧鳥狀如雞毛色似鳳帝惡其名棄而不納復愛其毛羽當時博物者

云黃帝殺蚩尤有貙虎誤噬一婦人七日氣不絕黃帝哀之葬以重棺石槨有鳥翔其塚上其聲自呼為傷菟則此婦人之靈也後人不得其令終者此鳥來集其國園林之中至漢哀平之末王莽多殺伐賢良其鳥亟來哀鳴時人疾此鳥名使常山郡國彈射驅之至晉初干戈始戢四海攸歸山野間時見此鳥其名改傷菟為相弘及封孫皓為歸命侯相弘之義叶於此矣永平之末死傷多故門嗟巷哭常山有獻遂放

逐之 拾遺記

林邑城外香桂成林時禽異羽翔集間關兼比翼鳥不比不飛鳥名歸飛鳴聲自呼此戀鄉之思孔悲桑梓之敬成俗也俞益期與康伯戕嘗對飛鳥戀土增思寄意謂此鳥其背青其腸赤丹心外露鳴情未達終日歸飛飛不十千路有萬里何由歸哉 水經注

符堅時有射師經嵩山望見松上有一雙白鳥似鵠而大至樹下又見一虵長五丈許上樹取

鳥鳥欲飛虵張口翕之鳥不去續紛一餐頃射
 師殼弩射三矢虵落鳥得去樹百餘步山邊整
 理毛羽須臾雲起雷發射師懼不得旋踵見向
 鳥徘徊其上毛落紛紛似如相援如此數陣雲
 息電滅射師得免鳥亦高飛劉義慶幽明錄
 永康元年京師得異鳥莫能名趙王倫使人持
 出周旋城邑市以問人即日宮西有一小兒見
 之遂自言曰服畱鳥持者還白倫倫使更求又
 見之乃將入宮密籠鳥并閉小兒於戶中明日

往視悉不見搜神記

大統三年萬春鳥集僊都苑京房易飛候曰非
 常之鳥來宿邑中邑有兵周師入鄴之應隋書
 下異獸

招搖之山有獸焉其狀如禺而白耳禺似獼猴而大赤目

長尾今江南山中多有說者不了此物名禺作牛字圖亦作牛形或作猴皆失之也禺字音遇

伏行人走其名曰狺狺食之善走山海經

青丘之山有獸焉其狀如狐而九尾其音如嬰

兒能食人食者不蠱

浮玉之山北望具區東望諸毗有獸焉其狀如虎而牛尾其音如吠犬其名曰彘是食人

竹山有獸焉其狀如豚而白毛大如笄而黑端名曰毫彘

罽次之山有獸焉其狀如禺而長臂善投名曰罽

黃山有獸焉其狀如牛而蒼黑大目其名曰犛

音敏

有獸焉其狀如犬而豹文其角如牛或作羊其名

曰狡其音如吠犬見則其國大襄晉太康七年邵陵扶夷縣

檻得一獸狀如豹文有二角無前兩脚時人謂之狡疑此

滑水多水馬其狀如馬文臂牛尾其音如呼

潘侯之山有獸焉其狀如牛而四節生毛名曰

旄牛

敦頭之山印澤多驕馬牛尾而白身一角其音

如呼

釐山有獸焉名曰獺音蒼頡其狀如獺犬而有

鱗其毛如莖鬣生靈間也

豐山有獸焉其狀如猿赤目赤喙黃身名曰雍和見則國有大恐

蔓蕖之山有獸焉名曰馬腹其狀如人面虎身其音如嬰兒是食人

開明獸身大類虎而九首皆人面東嚮立崑崙

上天獸也銘曰開明為獸稟資乾精瞪視崑崙成靈

蝮犬音陶或作鈎音鈎如犬青食人從首始

扭陽之山有獸焉其狀如馬而白首其文如虎而赤尾其鳴如謠其名曰鹿蜀佩之宜子孫

譙水有獸焉其狀如貍而赤豪其音如榴榴其名曰孟槐可以禦凶

亶爰之山有獸焉其狀如狸而有髦其名曰類自為牝牡食者不妬

基山有獸焉其狀如羊九尾四耳其目在背其名曰獐訑佩之不畏

拒山有獸焉其狀如豚有距其音如狗吠其名曰狸力見則其縣多土功

長右之山有獸焉其狀如禺而四耳其名長右

廣博物志 卷之四十八 三 高軍堂

其音如吟見則郡縣大水

堯光之山有獸焉其狀如人而彘鬣穴居而冬

螫其名曰猾褊其音如斲木見則縣有大錄

洵山有獸焉其狀如羊而無口不可殺也稟氣自然

其名曰羸

錢來之山有獸焉其狀如羊而馬尾名曰羸羊

其脂可以已腊治體

符禺之山其獸名葱聾其狀如羊而赤鬣

小次之山有獸焉其狀如猿而白首赤足名曰

朱厭見則大兵

崇吾之山有獸焉其狀如禺而文臂豹虎而善

投名曰舉父

南海之外赤水之西流沙之東有獸焉

首名曰跡踴有三青獸以相并

三危之山有獸焉其狀如牛白身四角其毫如

披篋其名曰微徊是食人

中曲之山有獸焉其狀如馬而白身黑尾一角

虎牙爪音如鼓音其名曰駮是食虎豹可以禦

兵

翼望之山有獸焉其狀如狸一目而三尾名曰謹其音如奪百聲是可以禦凶服之已瘳

有獸焉其狀馬身而鳥翼人面蛇尾是好舉人

喜抱舉人名曰孰湖

帶山有獸焉其狀如馬一角名曰驪疏可以辟

火

丹薰之山有獸焉其狀如鼠而菟首麋身其音

如獐犬以其尾飛名曰耳鼠食之不脛脛大腹也見解

倉音采也又可以禦

石者之山有獸

如豹而文題白身名曰

孟極是善伏其

邊春之山有獸

狀如禺而有鬣牛尾文臂

馬蹄見人則呼名曰足訾其鳴自呼

單張之山有獸焉其狀如豹而長尾人首而牛

耳一目名曰諸犍善吒行則銜其尾居則蟠其

尾

灌題之山有獸焉其狀如牛而白尾其音如計

廣博物志 卷之四十八 二十四 高麗堂

名曰那父

有獸焉其狀如犬而人面善投見人則笑其名
山獬其行如風見則天下大風

北嶽之山有獸焉其狀如牛而四角人目彘耳
其名曰諸懷其音如鳴雁是食人

隄山多馬有獸焉其狀如豹而文身名曰狃
北鸞之山有獸焉其狀如虎而白身犬首馬尾

彘鬣名曰獨裕

梁渠之山其獸多居豎其狀如彙而赤毛其音

如豚

歸山有獸焉其狀如麋羊而四角馬尾而有距

其名曰驪善還還旋旋舞也其鳴自訶

馬成之山有獸焉其狀如白犬而黑頭見人則

飛其名曰天馬

秦戲之山有獸焉其狀如羊一角一目目在耳

後其名曰辣辣其鳴自訶

泰山有獸焉其狀如豚而有珠名曰狢狢

拘狀之山有獸焉其狀如犬六足其名曰從

狝山有獸焉其狀如夸父而彘毛其音如呼見則天下大水

空桑之山有獸焉其狀如牛而虎文其音如欽其名曰軫軫見則天下大水

雜余之山有獸焉其狀如菟而鳥喙鵠目蛇尾見人則眠名曰狢徐見則螽蟴為敗

始逢之山有獸焉其狀如狐而有翼其音如鴻雁其名曰微微見則天下大旱

鳥麗之山有獸焉其狀如狐而九尾九首虎爪名曰龔姪其音如嬰兒是合

礪山有獸焉其狀如馬而羊目四角牛尾其音如獐狗其名曰狻狻見則其國多狡客

尸胡之山有獸焉其狀如麋而魚目名曰胡海隅之山有獸焉其狀如牛而馬尾名曰精

剡山有獸焉其狀如彘而人面黃身而赤尾其名曰合窳其音如嬰兒見則天下大水

泰山有獸焉其狀如牛而白首一目而蛇尾其名曰蜚行水則竭行草則死見則天下大疫

甘棗之山有獸焉其狀狀鼠而文題狀音其名

曰難音那食之已瘵

金星之山多天嬰其狀如龍骨可已瘵瘵音也

霍山有獸焉其狀如狸而白尾有鬣名曰肫肫

養之可以已憂

鰲山有獸焉其狀如牛蒼身其音如嬰兒是食

人其名曰犀渠

苦山有獸焉其狀如逐赤若丹火善言名曰山

膏

有獸焉其狀如蜂枝尾而反舌善呼其名曰文

文

虵山有獸焉其狀如狐而白尾長耳名狔狼見

則國內有兵

依軻之山有獸焉其狀如犬虎爪有甲其名曰

獐善駛牟食者不風

樂馬之山有獸焉其狀如彙赤如丹火其名曰

猴見則其國大疫

倚帝之山有獸焉其狀如魃鼠白耳白喙名曰

狙如見則其國有大兵

鮮山有獸焉其狀如膜大赤喙赤目白尾見則
邑有火名曰侈郎

歷石之山有獸焉其狀如狸而白首虎爪名曰
梁渠見則國大有兵

凡山有獸焉其狀如玃黃身百頭白尾名曰聞
麟見則天下大風

卽公之山有獸焉其狀如龜而白身赤首名曰
蜿是可以禦火

北海內有素獸焉狀如馬名曰蜚蜚有青獸焉
狀如虎名曰羅羅

林氏國有珍獸大若虎五彩畢具尾長于身名
曰騶吾乘之日行千里

大荒之中有山名曰鑿鑿距日月所出有獸焉
左右有首名曰屏蓬有赤犬名曰天犬其所下
者有兵

章莪之山有獸焉其狀如赤豹五尾一角其音
如擊石其名如淨

陰山有獸焉其狀如狸

或作豹

而白首名曰天狗

其音如榴榴

或作榴榴

可以禦

凶

欽山有獸焉其狀如豚而有牙其名曰當康其

鳴自叫見則天下大穰

少咸之山有獸焉其狀如牛而赤身人面馬足

名曰窵窵其音如嬰兒是食人

昆吾之山有獸焉其狀如猿而有角其音如號

名曰蠶蜺食之不昧

蔓渠之山有獸焉其名曰馬腹其狀如人面虎

身其音如嬰兒是食人

扶豬之山有獸焉其狀如豨而人目

豨或作其

名曰麇

音銀或作麇

有獸焉狀如白鹿而四角名曰夫諸見則其邑

人水

鹿吳之山注于傷水水有獸焉名曰蠱雕

天帝之山有獸焉狀如狗名曰谿邊席其皮者

不蠱

有獸焉狀如鹿而白尾馬足人手而四角名曰

櫻如

鉤吾之山有獸焉其目在腋下虎齒人爪其音如嬰兒名曰狍鴟是食人

陽山有獸焉其狀如牛而赤尾名曰領胡食之

已狂

耿山多大蛇有獸焉其狀如狐而魚翼其名曰

朱孺見則其國有恐

有獸焉其狀如狼赤首鼠目其音如豚名曰獨

狙是食人

崑崙西有獸其狀如犬有兩目而不見有兩耳

而不聞有腹而無五臟有腸直而不旋食而經

過人有德行而往抵羣之人有凶惡而往憑依

之天使其然名曰渾沌一名無耳一名無心空

居無常昨尾回轉向天而笑

神異經

黠獸無前足似虎而黑

字林

稷慎大塵穢人前兒前兒若獼猴立行聲似小

兒發人鹿人鹿者若鹿迅走俞人雖馬青丘狐

九尾周頭輝羝輝羝者羊也

周頭亦海東夷

黑齒白鹿

經

西方中獸如虎毫長三尺人面虎足口牙一丈八尺人或食之獸鬪終不退却唯死而已荒中
人張捕之一名倒壽焉

西北有獸其狀如虎有翼能飛食人知人言語
聞人鬪輒食直者聞人忠信輒食其鼻聞人惡
逆不善輒殺獸往饋之名曰窮奇 並上

檮杌一名難訓

東海之魚曰鰈比目而行北方有獸曰婁更食
而更視南方有鳥名曰鵠比翼而飛西方有獸
名曰螭前足鼠後足兔得甘草必銜以遺蛩蛩

距虛

韓詩外傳

瀛州有獸名嗅石其狀如麒麟不食生卉不飲
濁水嗅石則知有金玉吹石則開金沙寶璞粲
而可用 拾遺記

有獸名嗽月形似豹飲金泉之液食銀石之髓
此獸夜噴白氣其光如月可照數十畝軒轅之
世獲焉 上

三角獸先王法度修則至

宋書

一角獸天下平一則至

六足獸王者謀及衆庶則至

比肩獸王者德及矜寡則至

銀麕刑罰得共民不爲非則至

天鹿者純靈之獸也五色光耀洞明王者道備

則至

角端者日行萬八千里又曉四夷之語明君聖

主在位明達方外幽遠之事則奉書而至

周印者神獸之名也星宿之變化王者德盛則

至

澤獸黃帝時巡狩至於不濱澤獸出能言達知

萬物之情以戒於民爲時除害賢君明德幽遠

則來卽白澤也○又黃帝內傳云帝巡狩東至

海登桓山於海濱得白澤神獸能言達於

萬物之情問天下鬼神之事自古精氣爲物遊

魂爲變者凡萬一千五百二十種白澤言之帝

令以圖寫之以示天下帝

乃作辟邪之文以祀之

災害

並上

高軍堂

蜀中西南高山之上有物與猴相類長七尺能
 作人行善走逐人名曰狻國一名馬化或曰獲
 狻伺道行婦女有美者輒盜取將去人不得知
 若有行人經過其旁皆以長繩相引猶故不免
 此物能別男女氣臭故取女男不取也若取得
 人女則為家室其無子者終身不得還十年之
 後形皆類之意亦迷惑不復思歸若有子者輒
 抱送還其家產子皆如人形有不養者其母輒
 死故懼怕之無敢不養及長與人不異皆以楊

為姓故今蜀中西南多諸楊率皆是狻國馬化

之子孫也 搜神記

阿羊九頭而更食國亂乃出 淮南萬畢術

駟駟野馬也出北海形似鹿蜀 說文

牴狁二獸名秉心甚靈蓋忠直獸也今華表頂

上者是 集韻

含利為獸獸而能謙禮義乃食口無譏 鄭氏禮

謂文讚

張楫曰飛遠天上神獸也鹿頭而龍身

廣博物志 卷之四
招賢獻出摩伽陀國性善不干人形如師子若
國人見賢良相訪則出現

獸則有罷犖獾獠麋麇麝戶豹

蜀都賦

昔有懶婦睡機上姑怒之逐走投水化爲此獸
一枚可得脂三四斛然之照紡績則暗照歌舞
則明

南越志

寒土有獸其名曰貊生角當心俯而磨之憤心
而死炎州有鳥其名曰梟媪伏其子百日而長
羽翼旣成食母而飛蜀侯之迎秦牛牛逾近而
身轉危何異貊磨其角角愈利而身速亡乎白
公之據財財愈積而身愈滅何異梟之養子子

愈長而身就害也

劉書新編

因墀國獻五足獸狀如獅子玉錢千緡其形如
環環重十兩上有天壽永吉之字問其使者五
足獸是何變化對曰東方有解形之民使頭飛
於南海左手飛於東山右手飛於西澤自臍已
下兩足孤立至暮頭還肩上兩手遇疾風飄於
海外落玄洲之上化爲五足獸則一指爲一足

也其人既失兩手使傷人割裏肉以爲兩臂宛然如舊也因墀國在西域之北送使者以鍬爲車輪十年方至晉及還輪皆絕銳莫知其遠近也

拾遺記

翁韓國獻飛骸獸狀如鹿青色以寒青之絲爲繩繫之及死帝惜之而不瘞掛於苑門皮毛皆爛朽惟骨色猶青時人咸知其神異更以繩繫其足往視之惟見所繫處存而頭尾及骨皆飛去

洞冥記

修彌國獻駮騾高十尺毛色赤斑皆有日月之象帝以金埏爲鑲絆以寶器畫以飼之

吠勒國貢文犀

述異記

四頭狀如水兕角表有光名明犀置暗中有光影亦曰影犀織以爲簾如錦綺之文

炎州在南海中上有風生獸似豹青色大如狸網取之積薪數車燒之不燃鍬鎚鍛頭數十下乃死以口向風須臾便活以石上菖蒲塞鼻卽真死取其腦和菊花服之可壽五百歲

封徼山中有怒毛獸若不噓毛短三寸若噓毛長三尺

南康郡有君山高秀重叠有類臺榭名曰女媧宮有獸名格似猩猩之形自知吉凶人無機愛之則可馴狎欲執害之則去不來並上

少皞出野遇一獸牛首而人身驚告皇娥娥曰

昔余聞之帝子牛首人身其名師親見之者百

福胥臻天將福汝汝何妄驚乎帝乃釋然子說

林

師尚父爲周司馬將師伐紂到孟津之上鉞

把旄號其衆曰倉兕倉兕者水中之獸也善覆

人船因神以化欲令急渡不急渡倉兕害汝論衡

茲超入泰山遇一物如獐頭若婦人鬢髻簪珥

悉具歸語智瓊瓊曰此方耀也五百年一見見

者壽茲超果二百餘歲集微

按孔子未嘗見狴狴至輒能名之太史公與張

良異世而目見其形使衆人聞此言則謂神而

先知然而孔子名狴狴聞昭人之歌太史公之

廣博物志 卷之四十八
見張良觀宣室之畫也 論衡

漢黃霸為封溪令部人陳廉攜酒并猩猩以獻

霸問曰何物人未及應囊中語曰斗酒并僕耳

霸以其物有靈開囊視之猩猩悲啼而去 獨異志

東方識啖缺之獸實賴神禹之書大荒之籍矣

抱朴子

章帝章和元年安息國遣使獻獅子符拔符拔

形似麟而無角 後漢書

武帝太康六年南陽獻兩足猛獸此毛蟲之孽

也識者為其文曰武形有虧金獸失儀聖主應

天斯異何為言兆亂也 晉書

太康七年四角獸見于河間天戒若曰角兵象

也四者四方之謂當有兵亂起於四方後河間

王遂連四方之兵作為亂階殆其應也 上

廣博物志卷之四十八

廣博物志卷之四十九

西董斯張纂

何如寵訂

蟲魚一 龍 蛟 蛇 魚

龍鱗蟲之長春分而登天秋分而入淵

說文

神龍能為高能為下能為大能為小能為幽能

為明能為短能為長昭乎其高也淵乎其下也

薄乎天光高乎其著也一有一二忽微哉斐然

成章虛無則精以和動作則靈以化於戲允哉

君子辟神也觀彼威儀遊燕幽間有似鳳也說苑

有鱗曰蛟龍有翼曰應龍有角曰龍巨彪龍無切

角曰宛龍廣雅○一云有角蚌龍無角螭龍

蛟龍龍屬也明月之珠藏于蚌中蛟龍伏之

百歲之虬斷而復續千歲之木伐而有血

龍生九子蒲牢好鳴鐘鈕牛好音樂器蚩吻

好吞殿青嘲風好險殿角睚眦好殺刀頭夔夔

好文碑旁狻猊好訟獄囚狴犴獄獬豸好坐佛霸下

好負重碑座

龍易骨蛇易皮麋鹿易角解易螯造化權輿

龍珠在額蛟珠在皮蛇珠在龜珠在足魚珠

在眼蚌珠在腹爾雅

龍頭上有一物如博山形名尺木龍無尺木不

能昇天酉陽雜俎

角浪四峭上壯下殺龍之雄也直鼻圓嵐薄鱗

壯尾龍之雌也

帝王始興將起河洛龍見皆察其首黑者人正

白者地正赤者天正易乾鑿度

廣博物志

天子孝天龍負圖地龜出土天孽消滅景雲出游孝經援神契

龍池之山四方高中央有池方七百里羣龍居之多五花樹羣龍食之括地圖

武昌虬山有龍穴居人每見神虬飛翔出入歲旱禱之即雨後人築塘其下曰虬塘搜神記

潯陽曇椿世居長沙宅有古井每夜輒聞有如爆竹聲相承謂之龍吒異苑

真人常御九龍左驂名威右服名歛陶隱居真誥

波知國有三池傳云大池有龍王次者龍婦小者龍子後漢書

黃帝錄圖五龍舞河魏文帝禱占

舜使虞虎養一紫龍恒持燕炙示龍而不即與

食龍俯而垂涎以器盛之滿一合而後與食以

為常又取繪實磨入紫龍涎色正赤以畫金石

色透金玉中一寸繪實仙艸也堯時生于朝堂

之前四時有花成實賈子說林

黃龍五采負圖而出舜前白玉檢黃金繩芝為

封泥兩端有文曰天王有玉璽五字博袤三寸
運斗

河伯化爲白龍遊于水傍羿見射之河伯上訴
天帝爲我殺羿天帝曰爾何故得見射河伯曰
我時化爲白龍出遊天帝曰使汝深守神靈羿
何從得犯汝今爲蟲獸爲人所射固其宜也羿
何罪歟 楚辭注

夏德盛二龍降之禹使范氏御之以行 拓地圖
南潯之國有洞穴陰源其下通地脉中有毛龍

時蛻骨于曠澤之中魚龍同穴而處其國獻毛
龍一雌一雄放置豢龍之宮至夏代養龍不絕
因以命族至禹導川乘此龍及四海攸同反放

河內 拾遺記

周公旦卽攝七年鸞鳳見莫莢生青龍銜甲元
龜背書 尚書中候

成王觀河洛沉璧青龍臨壇銜元甲之圖禮于
洛亦如之元龜青純蒼光止于壇背甲刻書赤
文成字周公援筆寫之 宋志

顏氏禱于尼丘升之谷艸木之葉皆上起降之
 谷艸木之葉皆下垂及懷妊十一月而生是夕
 有二龍繞室五老降庭五老者五星之精也顏
 氏之房聞鈞天之樂空中有聲云天感生聖子
 故降以和樂之音 祖庭廣記

鄭大水龍鬪于時門之外涪淵國人請為崇焉
 子產弗許曰我鬪龍不我觀也龍鬪我獨何觀
 焉禳之則後其室也吾無求於龍龍亦無求於
 我乃止也 左傳

秋龍見于絳郊魏獻子問于蔡墨曰吾聞之蟲
 莫知于龍以其不生得也謂之知信乎對曰人

實不知非龍實知古者畜龍故國有豢龍氏有

御龍氏獻子曰是二氏者吾亦聞之而不知其

故是何謂也對曰昔有颺叔安有裔子曰董父

實甚好龍能求其嗜欲以飲食之龍多歸之乃

擾畜龍以服事帝舜帝賜之姓曰董氏曰豢龍

封諸鬲川鬲夷氏其後也故帝舜氏世有畜龍

及有夏孔甲擾于有帝帝賜之乘龍河漢各二

各有雌雄孔甲不能食而未獲豢龍氏有陶唐氏既衰其後有劉累學擾龍于豢龍氏以事孔甲能飲食之夏后嘉之賜氏曰御龍以更豕韋之後龍一雌死潛醢以食夏后夏后饗之既而使求之懼而遷于魯縣范氏其後也獻子曰今何故無之對曰夫物有其官官修其方朝夕思之一日失職則死及之失官不食官宿其業其物乃至若泯棄之物乃坻伏鬱湮不育故有五行之官是謂五官實列受氏姓封爲上公祀爲貴神社稷五祀是尊是奉木正曰句芒火正曰祝融金正曰蓐收水正曰玄冥土正曰后土龍水物也水官棄矣故龍不生得不然周易有之在乾之垢曰潛龍勿用其同人曰見龍在田其大有曰飛龍在田其夬曰亢龍有悔其坤曰見羣龍无首吉坤之剝曰龍戰于野若不朝夕見誰能物之^上

有大力毒龍以眼視人弱者卽死以氣噓人强者亦死時龍受一日戒出家入林樹間思惟坐

久疲懈而睡龍法眠時形狀如虵七寶雜色獵者見之驚喜言曰以此希有難得之皮獻上國王以為船飾不亦宜乎便以杖案其頭刀剝其皮龍自念言我力能傾國土此一物豈能困我今以持戒故不計此身當從佛語自忍閉目不視閉氣不喘憐愍此人為持戒故一心受剝不生悔意既以失皮赤肉在地時日大熱宛轉在地土中欲趣大水見諸小蟲來其身為持戒故不復敢動自思惟言我此身以施諸蟲為佛道故今以肉施以充其身後以法施以益其身

命終即生初利天

智度論

周烈王六年林碧陽君之御人產二龍

搜神記

如有福龍依報快樂具足妻妾妓女衣服飲食象馬七珍無不備有優樂自在過逾于人乃至六欲天中亦有鳥獸自在受樂亦有薄福諸龍日則熱沙搏身為諸小蟲之所啖食又如人間畜生驅策鞭打擔輕負重馳騁走使不得自在

法苑珠林

方丈山有龍皮骨如山阜散百頃遇其蛻骨之時如生龍或云龍鬪此處膏血如水流膏色黑者著草木及諸物如淳漆也膏色紫先著地疑堅可為寶器燕昭王二年海人乘霞舟以雕壺盛數斗膏以獻昭王王坐通雲之臺亦曰通霞臺以龍膏為燈光耀百里烟色丹紫國人望之咸言瑞光世人遙拜之燈以火浣布為纏拾遺記燕太子丹質于秦秦遇之無禮乃求歸秦王為機發之橋欲以陷丹丹過之橋不為發又一說

交龍捧輦而機不發但言今不知其故處矣水經

小傳稱秦始皇帝欲填東海龍女來惑之與始

皇交而有娠後奔入海棄其子于岸楚將項燕

因獵得之及長身長八尺力能扛鼎即項籍

陶安公者六安鑄冶師也數行火火一旦散上

行紫色衝天安公伏冶下求哀須臾朱雀止冶

上曰安公安公治與天通七月七日迎汝以赤

龍至期赤龍到安公騎之上升列仙傳

陵陽子明者銓鄉人也好釣魚于旋溪釣得白

魚

龍子明懼解釣拜而放之後得白魚腹中有書教子明服食之法子明遂上黃山采五石脂沸水而服之三年龍來迎去止陵陽山上百餘年山去地千餘丈大呼下人令上山半告言谿中子安當來問子明釣車在否後二十餘年子安死人取墓石山下有黃鶴來棲其塚邊樹上嗚呼子安云

邗子者蜀人好放犬犬走入山穴邗子隨之行數百里出山頭有殿屋官府仙人吏使甚嚴見其故妻主洗魚與邗子一函藥發函魚子也著池中養之一年皆爲龍邗子後遊山見犬色更赤有長翰隨邗子遂留山上時時下護其宗族蜀人立祠焉

騎龍鳴者渾亭人也年二十于池中求得龍子狀如守宮者十餘頭養食結艸廬而守之龍長大稍稍而去後五十餘年水壞其廬而去一旦騎龍來渾亭下語云馮伯昌孫也此間人不去五百里必當死信者皆去不信者以爲妖至八

月果水至死者萬計

呼子先者漢中卜師也壽百餘年臨去呼酒家老嫗曰急裝當與汝俱夜有仙人持二茅狗來呼子先子先持一與嫗乃龍也騎之上華陰山後嘗于山上大呼言子先酒母在此

上

韓雉見申羊于魯有龍浴于沂韓雉曰吾聞之出見虎搏之見龍射之今弗射是不行吾聞也遂射之

尸子

漢惠帝二年正月癸酉且有兩龍見于蘭陵

東里溫陵井中至乙亥夜去京房易傳曰有德遭害厥妖龍見井中又曰行刑暴惡黑龍從井

出

搜神記

漢廷尉扶嘉胸臆人也初嘉母于湯溪水側遇龍後生嘉長占吉凶巧發奇中高祖爲漢王時與嘉相遇嘉勸定三秦高祖以嘉志在扶翼賜姓扶氏爲廷尉食邑胸臆嘉臨終有言曰三牛對馬嶺不出貴人出鹽井

西京雜記

西域獻火龍高七尺映日看之光如聚炬火

述異

記

董仲舒夢蛟龍入懷乃作繁露

漢元和元年大雨有一青龍墮于宮中帝命烹之賜羣臣龍羹各一杯故李尤七命曰味兼龍羹並上

後漢建武中曹鳳字仲理為北地太守政化尤異黃龍見于九里谷高岡亭天子嘉之加秩中

二千石

水經注

魏明帝青龍元年正月甲申青龍見邾之摩陂

井帝親

共觀之既而詔畫工圖寫龍潛

而不見

宋

湯陰西有真人社舊傳孫登寓此值旱眾禱于龍得雨將祭謝之登曰此病龍雨安能蘇禾稼弗信請嗅之水果腥穢龍時背生疽聞登言化老翁求治曰病痊當有報不數日果大雨石上忽裂一井其水湛然蓋龍穿此以報也

山川紀異

永昌郡古哀牢國哀牢山名也其先有一婦人名曰沙壺

後漢作沙壺

依哀牢山下居以捕魚自給

忽于水中觸一沈木遂感而有娠度十月產子
 男十人後沈木化為龍出謂沙壺曰君為我生
 子今在乎而九子驚走唯一小子不能去陪龍
 坐龍就而舐之沙壺與言語以龍與陪坐因名
 曰元隆猶漢言陪坐也沙壺將元隆居龍山下
 元隆長八才武後九兄曰元隆能與龍言而黠
 有智天所賞也共推以為王 華陽國志

秦使者出宗所奏西域事云外國方士能神呪
 者臨川一步吹氣龍即浮出初出乃長數十丈

方士吹之一吹則龍輒一縮至長數寸乃取置

壺中以少水養之外國常苦旱災于是方士開

旱處便齎龍往出賣之一龍直金數十萬舉

國會歛以顧之直畢乃發壺出龍置淵中復禹

步吹之長數十丈須臾而四集矣 抱朴子

張永家地有泉出小龍在焉從此遂為富室踰

年因雨騰躍而去于是生貴日不暇給 異苑

晉懷帝永嘉中有韓媼者于野中見巨卵持歸

育之得嬰兒字曰擲兒方四歲劉淵築平陽城

不就募能城者掘見應募因變為蛇令媪遺灰誌其後謂媪曰憑灰築城城可立就竟如所言淵怪之遂投入山穴間露尾數寸使者斬之忽有泉出穴中滙為池因名金龍池

搜神記

大康五年正月二龍見武庫井中武庫者帝王威御之器所寶藏也屋宇邃密非龍所處是後七年藩王相害二十八年果有二胡僭竊神器皆字曰龍

上

晉愍帝建興二年十一月抱罕羌女產一鵝子

色似錦文嘗就母乳遙見神光少得就視

宋書

陶侃嘗捕魚雷澤得一織梭還挂着壁有頃雷

雨梭變成赤龍從屋而下

異苑

桓玄于南州起齋悉畫盤龍于其上號為盤龍

齋劉毅小字盤龍至是遂居之

晉書

劉安河中人也通鬼道未來之事皆預知之河

間有一趙廣家槽上馬忽變作人面全家大驚

往問劉安曰此大惡也君急歸家去宅三里披

髮大叫即可免之廣乃依言披髮大叫廣家中

竟得免

大小一時走出驚怕看之堂內無人堂屋一時崩倒全家得免不損一人乃贈財賄與安重問此災何有安曰堂屋西壁下深三尺當有三個石柱今已災過慎勿發看若視之必大貧若不看必大富貴此神龍也後廣不依卽掘看之驗其虛實果有一物赤色大如屋柱飛出他去後廣大貧一如其言也

搜神記

東海徐美之字宗文嘗行經山中見黑龍長丈餘頭有角前兩足皆具無後足曳尾而行後文

帝立美之竟以凶終

異苑

晉義熙中江陵趙姥以酤酒爲業居室內地忽自隆起姥察爲異朝夕以酒酹之嘗有一物出頭似驢而地初無孔穴及姥死隣人聞土下有聲如哭後人掘地得一異物蠢蠢而動不測大小須臾失之俗謂之土龍

吳猛還豫章附載客船一宿行千里同行客視船下有兩龍載之船不着水

沙門釋慧遠棲神廬嶽常有游龍翔其前遠公

有奴以石擲中乃騰躍上升有頃風雲颯燁公
知是龍之所興登山燒香會僧齊聲唱偈于早
霹靂迴向投龍之石雲雨乃除 並上

慕容熙建始元年三月太史丞梁延年夢月化
爲五白龍夢中占之曰月臣也龍君也月化爲
龍當有臣爲君者是寤而告人曰國符其將也
乎是秋熙爲高雲所滅 十六國春秋

楊羲以四月九日夜夢北行登高山上大有宮
室四面皆有大水見一白龍東向飛行有白之

好女子于龍口中三入三出又有一老翁著繡
衣裳芙蓉冠挂赤九節杖而立問公何等女子

入龍口邪對曰此太素玉女蕭子夫取龍烝以
鍊形也問翁何人曰我蓬萊仙公洛廣休住此

蓬萊山又問此龍可乘否曰以待真人張誘以
石慶安許玉斧丁瑋寧此侍宸帝官龍也須臾

聞公呼此四賢至命人賦一詩各下山別初下
半山許主簿來公語主簿使飲太平家酒又戒

之曰守一慎勿失後當用汝輔翼及到十日夜

廣博物志 卷之四十九 五言 高聯堂
義具此夢上白諸真惟紫微夫人見答衆真並
笑清靈曰以冥通冥也心感洞照南嶽君之力
也 陶隱居真誥

許長史今所營屋宅對東面有小山名雷平山
周時有雷氏養龍來在此山 真誥

竺道生止青園寺中其年夏雷震青園佛殿龍
昇于天光影西壁因改寺名曰龍光時人歎曰
龍旣去生欲行矣俄而投迹廬山肖影巖岫

梁釋法聰與晉安王臨白馬泉內有白龜就聰
手中取食謂王曰此是雄龍又臨靈泉有五色
鯽魚亦就手食聰曰此是雌龍王與羣臣重賞
而回 法苑

後魏宋雲使西域至積雪山中有池毒龍居之
昔五百商人止宿池側值龍忿怒汎殺商人果
池王聞之捨位與子向烏場國學婆羅門呪四
年之中善得其術還復王位就池呪龍龍化爲
人悔過向王王卽從之 洛陽伽藍記

釋智瓌聞智者執行超羣爲世良導卽泛舸豐

流直指台岫伏膺受道乃遣行法華懺悔第二
七月初夜懺訖還就禪床如欲安坐仍見九頭
龍從地湧出上昇虛空明且諮白璪曰此是志
九導衆生聞法華經將來之世破無明地入法
性空爾

神僧傳

智顛母徐氏夢香煙五綵縈迴在懷欲拂去之
聞人語曰宿世因緣奇特僧道福德自至何以
去之又夢吞白鼠如是再三怪而卜之師曰
龍之兆也及誕育之夜室內光明信宿之聖
光乃止忽有二僧扣門曰善哉兒德所重必出
家矣言訖而隱年十八投湘州果願寺沙門法
緒而出家焉

上

法顯至迦施國國有白耳龍每與衆僧約令國
內豐熟皆有信効沙門爲起龍舍并設福食每
至夏坐訖龍輒化作一小蛇兩耳悉具衆皆咸
識是龍以銅盂盛酪置龍子中從上座至下行
之徧乃化去年輒一出顯亦親見

法苑珠林

周靖帝大象元年夏滎陽汴水北有龍鬪初見

白光直屬天自東方而來有白龍長十許丈西
 北向舐掌而鳴西北有黑龍亦乘雲而至風雷
 相擊乍合乍離暴雨大注自午至申白龍升天
 黑龍墜地復有大鯉魚三從小魚無數乘空而
 鬪雷雨又甚大風發屋至暝乃止魚不復見明
 日有兩黑蛇大者長丈五小者半之竝傷腰頸
 死于竇前大蛇者周天元帝及靖帝之象大魚
 三而鬪者尉遲迴王謙司馬濟難三方起兵亂
 之異 五行記

佛留影石室在那乾呵羅國毒龍池側佛坐龍
 石室窟中為龍作十八變踊身入石猶如明鏡
 在于石內映現于外遠望則見近望不見諸天

百千供養佛佛影亦說法

現佛三昧經

迦維羅越國有優婆塞姓釋可二十餘家是白
 靜王之苗裔昔太子生時有二龍王一吐冷水
 一吐煖水今有池尚一冷一煖 支僧載外國事

昔有一金翅鳥王其身極大兩翅相去六千餘
 里常入海中取龍食之諸龍常怯畏金翅鳥常

求袈裟着官門上鳥見袈裟生恭敬心便不復
前行食彼諸龍鳥食龍時以翅搏海水擗龍頭
而取食之時有一龍爲鳥所逐卽取袈裟戴其
頂上尋舛而走時金翅鳥化作婆羅門追逐
後種種罵言汝今何不放此袈裟龍畏死故
捉不捨爾時海邊有一仙人龍時恐怖投翅
人鳥見仙人不敢復前仙人卽出爲鳥說
鳥向龍共相懺悔已各去佛告比丘昔仙人
今我身是金翅鳥者瓶沙王是爾時龍者達
迦是昔蒙袈裟得免鳥食今復蒙我袈裟
得脫王難出家修道獲阿羅漢是故當知
威力不可思議又海龍王經云爾時有龍王
白世尊曰於此海中無數種龍有四種金翅
常食斯龍及龍妻子願佛擁護常得安隱於
世尊脫身皂衣告海龍王汝取是衣分與諸
皆令周徧有值一縷者金翅鳥王不能犯觸
禁戒者所願必得爾時諸龍各懷驚悸各心
言是佛皂衣甚爲小少安得周徧大海諸龍時

佛即知龍心所疑告龍王言假使三千大千世界所有人民各分如來皂衣終不減盡譬如虛空隨其所欲則自然生時龍即取佛衣而分作無央數百千萬段各各分與隨其所乏廣狹大小自然給與其衣如故終不知盡當敬此衣如敬世尊如敬佛塔寺言觀如來衣者即脫龍身于是賢劫中皆得無着當般泥洹爾時四金翅鳥王各與千眷屬俱白佛言今日我等自歸三寶悔過前心奉持禁戒從今日始當以無畏施

一切龍擁護正法到于滅盡不違佛教

法苑珠林

佛言閻浮提中及四天下有金翅鳥名伽樓羅王于諸鳥中快得自在在此鳥業報應食諸龍于閻浮提日食一龍王及五百小龍第二日于弗婆提第三日于瞿耶尼第四日于鬱單越各食如前周而復始經八千歲此鳥爾時死相已現諸龍吐毒無由得食彼鳥饑逼周憶求食了不能得遊巡諸山永不得安至金剛山然後暫住從金剛山直下至大水際從大水際至風輪際

為風所吹還至金剛山如是七返然後命終其
 命終已以其毒故令十寶山同時火起爾時
 陀龍王懼燒此山即大降雨澍如車軸鳥肉
 盡唯有心在其心真下如前七返然後還住
 剛山頂難陀龍王取此鳥心以為明珠轉輪
 得為如意珠

昔佛住舍衛城南有大林邑商人驅八牛到
 方俱哆國復有商人共在澤中放牛時離車

主捕得一龍六穿鼻牽行商人見之即起慈

問離車言汝牽此欲作何事答言我欲殺噉商
 人言勿殺我與汝一牛貿取放之捕者不肯乃

至八牛方言今為汝故我當放之即取八牛以
 去龍女時商人復念此是惡人恐復追逐更還

捕取即自隨看所向到一池邊龍女變為人身
 語商人言天施我命今欲報恩可共入我宮堂

報大恩商人答言汝等龍性卒暴瞋恚無常或
 能殺我答言前人繫我汝能力救彼以受布薩

法華言淨住戒法也故都無殺心何況天今施我壽而

廣傳勿忘

當加害小住此中我先入

界故

拚

丁浪

是龍

門邊見二龍繫在一處問言汝爲何事答言此

龍女半月三日受齋法我兄弟守護此龍女

不堅固爲離車所得以是故被繫唯願天慈語

令放我此龍女若問欲食何等食者當索閻浮

提人間食龍女拚擋已便卽呼入坐寶床褥上

龍女自言今欲食何等食答言欲須閻浮提人

間食卽下種種食問龍女言此人何故被繫龍

女言此有過我欲殺之商人言汝莫殺答言要

當殺之商人言汝放彼者我當食耳白言不得

直爾放之當罰六月擯置人間商人問言汝有

如是莊嚴用受布薩法答言我龍法有五事苦

何等五生時龍眠時龍姪時龍瞋時龍一日之

中三過皮肉落地熱沙搏身復問汝欲求何等

答言出家難得又問當就誰出家答言如來正

供應正遍知今在舍衛城未脫有脫汝可就出

家商人便言我欲還歸龍女卽與八餅金言此

是龍金是汝父母眷屬終身用不盡言語汝合

眼卽以神變持着本國行伴先至語其家言入龍宮去父母謂見已死眷屬宗親聚在一處悲號啼哭時放牧者及取薪艸人見已先還語其家言某甲來歸家人聞已卽大懼喜出迎入家已爲作生會作生會時以八餅金持與父母此是龍金截已更生盡壽用之不可盡也

古龜茲國王阿主兒者有神異力能降伏毒龍時有賈人買市人金銀寶貨至夜中錢金化爲炭境內數百家皆失金寶王有男先山家成阿羅漢果王問之羅漢曰此龍所爲龍居北山其頭若虎今在其處眠耳王乃易衣持劍默出至龍所見龍臥將欲斬之因曰吾斬寤龍誰知吾有神力遂叱龍龍驚起化爲獅子王卽乘其上龍怒作雷聲騰空至城北二十里王謂龍曰爾不降當斷爾頭龍懼王神力乃作神語曰勿殺我我當與王乘欲有所向隨心卽至王許之後常乘龍而行

昔有尊者阿羅漢字祇夜多佛時去世七百年

後出罽賓國時罽賓國有一惡龍名阿利那數作災害時有二千羅漢各盡神力驅遣此龍令出國界其中有百羅漢以神通動地又有五百人放大光明復有五百人入禪定經行諸人各盡其神力不能使動時尊者祇夜多最後往到龍池所三彈指言龍汝今出去不得住此龍卽出去不敢停住爾時二千羅漢語尊者言我與尊者俱得漏盡解脫法身悉皆平等而我等各各盡其神力不能令動尊者云何以三彈指令龍遠入大海也于時尊者荅言我凡夫已來受持禁戒至突吉羅等心護持如四重無異今諸人者所以不能動此龍者神力不同故不能同也

爾時龍王卽以四龍聰明智慧者作僧護弟子龍王言白尊者爲我教此四龍各一阿含第一龍者教增一阿含第二龍者教中阿含第三龍者教禰阿含第四龍者教長阿含僧護答曰可爾僧護卽教第一龍者默然聽受第二龍者眠

目口誦第三龍者迴顧聽受第四龍者遠住聽受此四龍子聰明智慧于六月中誦四阿含領在心懷盡無遺餘時大龍王詣僧護所拜跪問訊不愁悶耶僧護答曰甚大愁悶龍王問曰何故愁悶僧護答曰受持法者要須軌則此諸龍等在畜生道無軌則心不如佛法受持誦習龍王白言大德不言呵諸龍等所以者何以護師命故作此聽有四毒不得如法受持讀誦何以故初默受者以聲毒故不得如法若出聲者必

害師命是故默然而受第二閉目受者以見毒故不得如法若見師者必害師命是故閉目而受第三迴顧受者以氣毒故不得如法若氣噓師必害師命是以迴顧而受第四遠住受者以觸毒故不得如法若身觸師必害師命是以遠

住而受上。以。下。蛟。

畢山帝苑之水出焉其中多蛟山海經

禱過之山浪水出焉而南流注于海其中有虎蛟其狀魚身而蛇尾其音如鴛鴦食者不腫可

以已痔

北海之外有潼海之水渤溈高隱于日中有巨魚大蛟莫測其形也吐氣則八極皆暗振鬣則五嶽波盪當唐堯時懷山爲害大蛟縈天三河俱溢海瀆同流三河者天河地河中河是也此三水有時通壅至聖之治水色俱溢無有流沫及帝之商均暴亂天下則巨魚吸日蛟繞于天

拾遺

記

夏桀宮中有女子化爲龍不可近俄而復爲婦

人甚麗而食人桀命爲蛟妾告桀吉凶

述異記

帝以季秋之月泛衡蘭雲鷁之舟窮晷係夜釣于桂臺下以香金爲鈎繡絲爲綸丹鯉爲餌釣得白蛟長三丈若大虵無鱗甲帝曰非祥也命大官爲鮓肉紫骨青味甚香美

拾遺記

李冰爲蜀郡守有蛟歲暴漂墊相望冰乃入水戮蛟已爲牛形江神龍躍冰不勝及出率勇者數百持強弓大箭約曰吾前者爲牛今江神必亦爲牛矣我以太白練自束以辨汝當殺其無

記者遂吼呼而入須臾雷風大起天地一色稍定有二牛鬪于上公練甚長白武士乃齊射其神遂斃從此蜀人不復為水所病至今大浪衝濤欲及公之祠皆瀾瀾而去故春冬設有鬪牛之戲未必不由此也

成都志

帝好微行于長安城西夜見一螭遊于路董謁曰昔桀媚妹喜于膝上以金簪貫玉螭腹為戲今螭腹餘金簪穿痕得此非耶

洞冥記

武帝元封五年冬巡狩至于盛唐望祀虞帝于九疑登驚天柱山自潯陽浮江親射蛟江中獲之舳艫千里薄樅陽而出乃作盛唐樅陽歌

琴操

後漢時姑蘇有男子衣白衣冠幘容貌甚偉身長七尺眉目疎朗從者六七人遍歷人家姦通婦女欲掩捕即有風雨雖守郡有兵亦不敢制月餘術人趙杲在趙聞吳患泛舟遽來杲適下舟步至姑蘇北堤上時會守送臺使遇亦避之于館杲因謁焉守素知杲有術甚喜杲謂郡守曰君不欲見乎因請水燒香長嘯數聲天風歛

至聞空中數十人響應杲擲手中符符去如風
 頃刻見此妖如有人持至者甚惶懼杲謂曰何
 敢幻惑不畏乃按劍曰誅之便有旋風擁出杲
 謂守曰可視之矣使未出門已報去此百步有
 大白蛟長三丈斷首于路傍

三吳記

永陽李增行經大溪見二蛟在水引弓射之中
 一卽死增歸因復出市有女子素服啣涕提所
 射箭增怪而問焉女答曰何用問爲若是君許
 便以相還授矢而滅增惡而驟反未達家暴死

于路 異苑

曹公幼而智勇年十歲常浴于譙水有蛟來逼
 自水奮擊蛟乃潛退于是畢浴而還弗之言也
 後有人見大虵奔逐操笑之曰吾爲蛟所擊而
 未懼斯畏虵而恐耶衆問乃知咸警異焉

長沙有人忘姓名家江邊有女下渚澣衣覺身
 中有異後不以爲患遂妊身生三物皆如蝦魚
 女以已所生甚憐之著澡盤水中養經三月此
 物遂大乃是蛟子皆有字大者爲當洪次者名

破阻小者曰撲岬天暴雨三蛟一時俱去遂失所在後天欲雨此物輒來女亦知其當來便出望之蛟子亦舉頭望母良久復去經年此女亡後三蛟一時俱至墓所哭泣經日乃去聞其哭聲如狗嗥

續搜神記

後漢定襄太守竇奉妻生子武并生一蛇奉送蛇于野中及武長大有海內俊名母死將葬未窆賓客聚集有大蛇從林艸中出徑來棺下委地俯仰以頭擊棺血涕竝流狀若哀慟有頃而去時人知爲竇氏之祥

搜神記

元帝永昌中暨陽人任谷因耕息于樹下忽有一人着羽衣就淫之而不知所在谷遂有妊積月將產羽衣人復以刀穿其陰下出一蛇子便去谷遂成宦者

關自陳留于宮中

安城平都縣尹氏居在郡東十里曰黃村尹佃舍在焉元嘉二十三年六月中尹兒年十三守舍見一人年可二十許騎白馬張繖及從者四人衣皆黃色從東方而來至門呼尹兒來暫寄

息因入舍中庭下坐床一人捉織覆之尹兒看其衣悉無縫馬五色斑似鱗甲而無毛有頃雨氣至此人上馬去迴顧尹兒曰明日當更來兒觀其去西行躡虛而漸升須臾雲氣四合白晝爲之晦冥明日大水暴出山谷沸涌丘壑森漫將淹尹舍忽見大蛟三丈餘盤屈庇其舍焉並上吳大帝赤烏三年七月有王述者採藥于天台山時熱息于石橋下臨溪飲忽見溪中有一小青衣長尺餘乘赤鯉魚徑入雲中漸漸不見述

良久登峻巖四望見海上雲起頃刻雷電交鳴俄然將至述懼伏于虛樹中見牽一物如布而

色如漆不知所適及天霽又見所乘之赤鯉小

童還入溪中乃黑蛟耳三吳記。以地

虵無足而行魚無耳而聽蟬無口而鳴有然之

者也淮南子。又抱朴子云鼈無耳而善聽。蚓無口而揚聲。

山中見大虵冠幘者名曰升卿呼其名則吉

秦華之上削成而四方有虵名曰肥遺六足四

翼見則天下大旱山海經。又云渾夕之山。一首兩身名曰肥遺。

青傳勿志 卷之四 七 高取室

大咸之山有蛇名曰長蛇其毛如旒豪其音如鼓柝

神困之山其下有白蛇
跂踵之山有大蛇

鮮山多鳴蛇其狀如蛇而四翼音如磬見則其邑大旱

伊山多花蛇其狀如人面而豺身鳥翼而蛇行其音如叱呼見則其邑水

幽都之山浴水出焉是有大蛇赤首白身其音如牛見則其邑大旱 並上

寄居之蟲委甲步內二首之蛇弦之為弓 抱朴子○
按越王弩弦化為

共工之臣號曰相柳稟此奇表蛇身九首恃力桀暴終禽其後 山海經圖讚

越人得髯蛇以為上肴中國得而棄之無用 淮南子

黑蜃在身當以持戒鉤除之又云睡蛇既去乃可安眠黑蜃亦睡蛇也 遺教經

昔負丘多大蛇又生好藥黃帝將登焉廣成子
教之佩雄黃而蛇皆去也 抱朴子

天子遺其靈鼓乃化為黃蛇 穆天子傳

孔子夢三槐間豐沛市有赤飈起呼顏淵子夏

往觀之見赤蛇化為黃金上有文曰卯金刀後

高祖起豐沛 金樓子

晉獻公之太子至靈臺蛇繞左輪御曰太子下

拜吾聞國君之子蛇繞左輪者速得國太子遂

不行返乎舍御人見太子拔劍將死御止之大

子曰不然我得國君之孽也拜君之孽不可謂

禮見機祥而忘君之安國之賊也懷賊心以事

君不可謂弄挾偽意以御天下懷賊心以事君

邪之大者也而使我行之是欲國之危明也遂

伏劍而死 新序

晉文公出大蛇當道如拱文公反修德使吏守

蛇吏夢天殺蛇曰何故當聖君道覺而視蛇已

死矣

魯定公元年有九蛇繞柱占以為九世廟不祀

乃立煬宮

搜神記

楚大夫靳尚以讒殺屈原為天所遣作一大蟒

穴在山後人為立廟

攝山記

邛都縣下有一老姥家貧孤獨每食輒有小蛇

頭上戴角在牀間姥憐而飴之食後稍長大遂

長丈餘令有駿馬蛇遂吸殺之令因大忿恨責

姥出蛇姥云在牀下令即掘地愈深愈大而無

所見令又遷怒殺姥蛇乃感人以靈言瞋令何

殺我毋當為毋報讐此後每夜輒聞若雷若風

四十餘日百姓相見咸驚語汝頭那忽戴魚是

夜方四十里與城一時俱陷為湖土人謂之為

陷湖唯姥宅無恙迄今猶存漁人採捕必依止

宿每有風浪輒居宅側恬靜無他風靜水清猶

見城郭樓櫓斐然今水淺時彼土人沒水取得

舊木堅貞光黑如漆今好事人以為枕相贈搜神

記

沛公起兵野戰喪皇妣于黃鄉天下平定乃使

使者以梓宮招魂幽野于是丹蛇在水自灑躍

使者以梓宮招魂幽野于是丹蛇在水自灑躍

入于梓宮 陳留風俗傳

漢武帝大始四年七月趙有虵從郭外入與邑中虵鬪孝文廟下邑中虵死後二年秋有衛太子事自趙人江充起 搜神記

漢武帝時張寬為揚州刺史先是有二老翁爭山地詣州訟疆界連年不決寬視事復來寬窺二翁形狀非人令卒持杖戟將入問汝等何精翁走寬呵格之化為二虵 上

巴郡馮緄為議郎發綬笥有二赤虵可三尺八南北走大用憂怖卜云此吉祥也君後當為邊將以東為名後五年果為大將軍拜遼東太守

風俗通

漢桓帝即位有大虵見德陽殿上洛陽市令淳于翼曰虵有鱗甲兵之象也見于省中將有椒房大臣受甲兵之象也乃棄官遁去至延熹二年誅大將軍梁冀捕治家屬揚兵京師也 搜神記

閻成子少好長生學道四十餘年後入荆山中積七十餘歲為荆山山神所試成子謂是真人

拜而求道而為大蛇所噬殆至于死 真誥

馬援征五溪蠻進營壺頭中暑病乃穿岸為室以避炎氣今武陵語曰壺頭山邊有石窟即馬援所穿室也室內有蛇如百斛船大云是援之餘靈也 武陵記

管輅鄉里問君往者為王府君論怪云老書佐為蛇老鈴下為鳥此本皆人何化之微賤乎輅云萬物之化無有常形人之變異無有常體是以魃為黃能如意為蒼狗斯亦至尊之位而為黔喙之類也况蛇者務辰巳之位鳥者棲太陽之精斯乃騰黑之明象白日之餘景如書佐鈴下各以微軀化為蛇鳥不亦可乎 管輅別傳

孫氏懷張承時乘輕舸于江浦忽見白蛇長三丈騰入舟中咒曰若為吉祥勿毒噬我縈而將還置于房中一宿不復見母嗟惜之隣中相謂曰昨者張家有白鵠聳翮入雲以告承母母使筮之筮者曰吉祥鵠是延年之物從室入雲自卑升高之象昔吳闔閭莖其妹殉以美人寶劍

珍物窮江南之富未及千年雕雲覆其溪谷美女遊于塚上白鵠翔于林中白虎嘯于山側皆昔時之精靈今出于世當使子孫位極人臣擅名江表若生子可名爲白鵠後承生昭位輔吳將軍年九十蛇鵠之祥也

拾遺記

東晉時跋陀羅尊者譯經于廣陵天寧寺之青蓮池忽有兩青蛇從井中出化二童子自旦爲尊者灑掃焚香訖暮俟其收經卷而去日復如是譯經旣畢青衣亦不知所在

寶祐廣陵志

吳末臨海人入山射獵爲舍住夜中有一人長一丈着黃衣白帶來謂射人曰我有讐尅明當戰君可助當厚相報射人曰自可助君耳何用報爲答曰明日食時君可出溪邊敵從北來我南住應白帶者我黃帶者彼射人許之明出果聞岍北有聲狀如風雨草木四靡視南亦爾唯見二大蛇長十餘丈于溪中相遇便相盤繞白蛇勢弱射人因引弩射之黃蛇卽死曰將暮復見昨人來辭謝云住此一年獵明年以去慎勿

復來來必爲禍射人曰善遂停一年獵所獲甚
多家至巨富數年後憶先所獲多乃忘前言復
更往獵見先白帶人告曰我語君勿復來不能
見用讐子已大今必報君非我所知射人聞之
甚怖便欲走乃見三烏衣人皆長八尺俱張口
向之射人卽死搜神記

丹陽鍾忠以冬月晨行見有一蛇長一尺許紋
色似青琉璃頭有雙角白如玉感而畜之贖業
日登經年蛇自亡去忠及二子相繼殞斃異苑

晉太康中陳留阮士瑀傷于虺不忍其痛數嗅
其瘡已而雙虺成于臯中元康中曆陽紀元載
客食道龜已而成痕醫以藥攻之下龜子數升
大如小錢頭足殼備文甲皆具惟中藥已死搜神記

記

賈謐家數有妖異飄風吹其朝服飛上數百丈
墜于中丞臺又虺出其被中暴雷震其室柱陷
入地壓毀牀帳晉書

晉太元中汝南人入山伐竹見一竹中虺形已

成枝葉如故又吳郡桐廬人常伐餘遺竹見一竹竿雉頭頸盡就身猶未變此亦竹為蛇蛇為雉也 異苑

吳興太守袁玄瑛當之官筮卦吉凶曰法至官當主赤虵為妖不可殺至果有赤虵在銅虎符石函上蟠玄瑛摘殺之其後果為賊徐馥所害

郭璞洞林

揚州別駕顧球姊生十年便病至年五十餘今郭璞筮之得大過之升其辭曰大過卦者義不

嘉塚墓枯楊無英華振動遊魂見龍車身被重累嬰天邪法由斬祀殺靈虵非已之咎先人瑕案卦論之可奈何球乃訪迹其家事先世曾伐大樹得大虵殺之女便病病後有羣鳥數千迴翔屋上人皆怪之不知何故有縣農行過舍邊仰視見龍牽車五色晃爛甚大非常有在遂滅

搜神記

扈謙居金陵攝山每筮一卦百錢日限錢五百以三百供母二百飲酒五百足一卦千錢不為

也海西公旦出見赤虵蟠御牀詔謙筮之謙曰
陛下有出宮之象海西曰可消伏否曰後年有
大將北征失利此災可消後桓溫北征敗績還
乃廢海西立簡文

晉明帝大寧初武昌有大虵常居故神祠空樹
中每出頭從人受食京房易傳曰虵見于邑不
出三年有大兵國有大憂尋有王敦之逆

有士人陳甲本下邳人元帝時寓居華亭獵于
東野大藪中歛見大虵長六七丈形如百斛船

玄黃五色卧岡下土人卽射殺之不敢說三年
後與鄉人共獵至故見虵處語同行云昔在此
殺大虵其夜夢見一人烏衣黑幘來至其家言
曰我昔昏醉汝無狀殺我吾昔醉不識汝面故
三年不相知今日來就死其人卽驚覺明日腹
痛而卒 並上

蜀主李勢宮人張氏有妖容勢寵之一旦化爲
大斑虵長丈餘送苑中夜復來寢牀下勢懼遂
殺之復有鄭美人勢亦寵愛化爲雄虎一夕食

勢寵姬未幾勢為桓溫所滅

獨異記

大尉郗鑒字道徽鎮丹徒曾出獵時二月中蕨始生有一甲士折食一莖即覺心中淡淡欲吐因歸乃成心腹疼痛經半年許忽大吐吐出一赤蛇長尺餘尚活動搖乃挂着屋簷前汁稍稍出蛇漸焦小經一宿視之乃是葶蕈猶昔之所食病遂除瘥

搜神記

顏含次嫂繁氏老而失明含省嫂病困須得蚺蛇膽為藥而求不能得于晝獨坐有一童子持

一青章授含開視蚺膽也童子逡巡出戶化成一青鴻飛去得膽藥成嫂病即愈

晉中興書

高祖永初中張春為武昌太守時人有嫁女未

及升車者女忽然失怪出外毆擊人乃自云已

不樂嫁俗人巫云是邪魅將女至江陰遂擊鼓

以術咒療春以為欺惑百姓刻期須得妖魅翌

日有一青蛇來到坐所即以大釘釘其頭至日

中時復見大龜從江來伏于巫前巫以朱書龜

背作符更遣入江至暮有大白鼉從江中出乍

沉乍浮龜隨後推逼鼉自分死冒來先入幔與
女辭訣女遂動心哭云失其姻好于是漸差或
問巫曰魅者歸于一物今安得有三巫云虵是
傳通龜是媒人鼉是其對所獲三物悉以示春
春始知靈驗皆殺之

異苑

宋元嘉中廣州有三人共在山中伐木忽見石
窠有三卵大如升取煮之湯始熱聞林中如風
雨聲須臾一虵大十圍長四五丈逕來湯中銜
卵而去三人未幾皆死

